



SLUŽBENE NOVINE

KANTONA SARAJEVO

Godina XIX – Broj 51

Četvrtak, 25. decembra 2014. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu čl. 26. i 28. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), a u vezi sa članom 170. stav 1. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst), Vlada Kantona Sarajevo, na 84. sjednici održanoj 16.12.2014. godine, donijela je

UREDBU

O IZMJENI UREDBE O SUBVENCIONIRANJU TROŠKOVA GRIJANJA

Član 1.

U Uredbi o subvencioniranju troškova grijanja ("Službene novine Kantona Sarajevo" br. 4/05, 7/08 i 37/13), u članu 7. riječi: "JU "Kantonalni centar za socijalni rad" zamjenjuju se riječima: "Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo)".

Član 2.

Ova Uredba stupa na snagu danom donošenja, a objavit će se u "Službenim novinama Kantona Sarajevo".

Broj 02-05-30612-8/14
16. decembra 2014. godine
Sarajevo

Vršilac funkcije
Premijera
Muhamed Kozadra, s. r.

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), Vlada Kantona Sarajevo, na 84. sjednici održanoj 16.12.2014. godine, donijela je

ODLUKU

O DAVANJU SAGLASNOSTI ZA PRIHVATANJE DODATNOG IZNOSA GRANTA PO OSNOVU AMANDMANA NA SPORAZUM O GRANTU EVROPSKE KOMISIJE ZA TRUST FOND PRETPRISTUPNOG INSTRUMENTA EVROPSKE UNIJE (EC IPA TF) OD 20. DECEMBRA 2012. GODINE ZA PROJEKT OTPADNIH VODA U SARAJEVU

I

Kanton Sarajevo prihvata dodatni iznos granta namijenjen za finansiranje Projekta otpadnih voda u Sarajevu - Dio I (u daljem tekstu: Projekt), po osnovu Amandmana na Sporazum o grantu Evropske komisije za Trust fond Pretpristupnog instrumenta

Evropske unije (EC IPA TF) od 20. decembra 2012. godine, zaključen između Bosne i Hercegovine (u daljem tekstu: BiH) i Međunarodne banke za obnovu i razvoj u ulozi administratora Evropske komisije za Trust fond za Pretpristupni instrument Evropske unije (u daljem tekstu: IBRD), u iznosu do 2.375.000,00 EUR.

II

Vlada Kantona Sarajevo donijela je Odluku o davanju saglasnosti za prihvatanje granta Evropske komisije iz Trust fonda Pretpristupnog instrumenta Evropske unije (EC IPA TF) za Projekat otpadnih voda u Sarajevu ("Službene novine Kantona Sarajevo", broj 05/13) kojom je Kanton Sarajevo prihvatio grant po Sporazumu, iz prethodnog stava ove tačke, u iznosu od 7.572.000,00 EUR, tako da sredstva granta za Projekat otpadnih voda u Sarajevu ukupno iznose 9.947.000,00 EUR.

III

Sredstva dodatnog granta iz tačke I ove Odluke koristit će se za sufinansiranje Projekta otpadnih voda u Sarajevu, koji se već implementira kreditom IBRD. Grant će se realizovati u svrhu rekonstrukcije prečistača otpadnih voda u Butilama, čime će se unaprijediti život stanovništva u Kantonu Sarajevo, putem smanjenja zagađenosti vode iz rijeka Miljacke i Bosne, te unapređenje efikasnosti mreže za prikupljanje otpadnih voda u Kantonu Sarajevo.

IV

Vlada Kantona Sarajevo potvrđuje da je dokumentacija prihvatljiva za Kanton, a posebno:

Nacrt Amandmana na Sporazum o pod-grantu za Projekat otpadnih voda u Sarajevu između Federacije BiH i Kantona Sarajevo,

Nacrt Amandmana na Sporazum o implementaciji između FBiH, Kantona Sarajevo i ViK-a.

V

Za realizaciju ove odluke i izvještavanje zadužuju se Ministarstvo prostornog uređenja i zaštite okoliša, Ministarstvo finansija i Kantonalno javno komunalno preduzeće "Vodovod i kanalizacija" d.o.o. Sarajevo (u daljem tekstu: KJKP "Vodovod i kanalizacija"), svako u okviru svoje nadležnosti.

VI

Implementacija amandmana iz tačke I ove odluke ne zahtijeva donošenje novih ili izmjenu postojećih zakona.

VII

Daje se saglasnost za zaključivanje Amandmana na Sporazum o pod-grantu između Federacije i Kantona Sarajevo i